



XIRHAMBO XO HLAWULA SWIRHO SWO TIRHA EKA TIHUVO TA RIXAKA TA RIRIMI (TiHRR)

Huvo yo Angarhela ya Tindzimi ta Afrika-Dzonga (HATAD) yi rhamba rixaka ni mavandla lama tsakelaka swa tindzimi leswaku ya hlawula vanhu lava nga ta kamberwa loko va fanela ku vekiwa eka Tihuvo ta Rixaka ta Ririmi (TiHRR) ta HATAD ta tindzimi leta khumen'we ta ximfumo ku nga : Xipedi/Xisuthu xa Leboa, Xisuthu, Xitswana, Xiswazi, Xivhenda, Xitsonga, Xibunu, Xinghezi, Xindhevele, Xiqhoza na Xizulu ku katsa na Xikhoyi, Xinama, Xisani, ni Ririmi ra Swikoweto (RS).

Huvo ya Rixaka ya Ririmi (HRR) yin'wana na yin'wana yi tirha hi ku landza Xiyenge xa 8 (8)(b) xa Pan South African Language Board Act (Nawu wa 59 wa 1995), hilaha wu pfuxetiweke hakona, swin'we ni hi ku landza Mikhuva ni Milawu ya Tihuvo ta Rixaka ta Ririmi ta HATAD (Xitiviso xa Bodo xa 94 xa 2005).

Swirho swi ta tirha nkarhi lowu pimiweke wa malembe ya ntlhanu kusukela hi siku ra ku vekiwa ka swona. Ku hava muholo lowu amukeriwaka hikuva leswi swi tekiwa tanihi ntirho wo pfuna rixaka. HATAD yi ta hakelela ntsena swikoxo swa swifambo ni byetlelo eka swirho leswi nga ta hlawuriwa.

Vanhu lava nga ta hlawuriwa va fanele ku fikelela swilaveko leswi landzelaka:

- Va fanele va tirha hi ririmi leri va ri an'weke kumbe leri va ri tirhisaka hi ku kongoma;
- Va fanele va gingiriteka ni ku hisekela ku hoxa xandla eka nhluvukiso wa ku tirhisiwa ka ririmi rero;
- Va fanele va va ni vutivi lebyi dzikeke ni byo anama hi ririmi rero ku katsa ni vuswikoti eka swiyenge leswi: Ndzinganeriso wa Ririmi, Nhluvukiso wa Matheme, Vutsari bya Swihlamuselamarito, Tibuku ni Mahungu, Vuhundzuluxeri ni ku Toloka, swin'we ni Ririmi eka Dyondzo.

Mihlawulo yi fanele yi tsariwa kunene kutani yi rhumeriwa naswona yi fanele yi katsa rungula leri landzelaka:

- Xiyimo, mavito hinkwawo, tiadirese (ya vutshamo ni ya poso) ni vuxokoxoko bya vuhlanganisi bya loyi a langiwaka, loyi a langaka ni loyi a seketelaka ku langiwa koloko, ni sivhi ya matluka mambirhi ya loyi a langiwaka. Sivhi yi fanele yi katsa mavito hinkwawo ya loyi a langiwaka, nomboro ya pasa ni rimbewu, adirese ya laha a kumekaka kona, vito ra xifundza, tinomboro ta vuhlanganisi, nomboro ya fekisi ni adirese ya imeyili (loko yi ri kona), ni tinhlamuselo ta ntokoto, vutivi ni vuswikoti byakwe.
- Tikopi ta pasa leti tiyisisiweke, mapapila yo tiyisisa ku thwasela dyondzo ni ya vuphurofexinali ya loyi a langiwaka.
- Rungula rihi ni rihi ro seketela, ku katsa mavito ni rungula ra vuhlanganisi ra vanhu vambirhi (2) lava nga tiyisisa rungula rero.
- Tifomo leti tatiweke khwatsi ti tlhela ti sayiniwa ta loyi a langaka, loyi a seketelaka ni loyi a langiwaka.

Loko leswi nga laha henhla swi nga katsiwangi nhlawulo wa kona wu nge langutiwi.

Ku kuma marungula hi ntalo hi ta maendlelo ni swilaveko swa kona, hi kombela u nghena eka webusayiti ya HATAD ya www.pansalb.org kumbe u tihlanganisa na:

Mh S.A. Netshiheni
Riq: (012) 341 9638
Fek: 012) 341 5938
Imeyili: angie@pansalb.org

Mihlawulo yi fanele yi rhumeriwa eka:

The Chief Executive Officer
Attention: The NLBs Unit Manager
Pan South African Language Board

Hi poso eka:

Private Bag X08
Arcadia
0007

Hi voko eka:

5th Floor, Provisus Building
523 Stanza Bopape Street
Arcadia
0083

Siku ro pfala: 28 Mhawuri 2017

Tsundzukani leswaku a hi nge amukeli mihlawulo leyi rhumeriwaka hi fekisi kumbe imeyili